

ПОСТАНОВЛЕНИЕ
КАБИНЕТА МИНИСТРОВ РЕСПУБЛИКИ УЗБЕКИСТАН
ОБ УТВЕРЖДЕНИИ ПОЛОЖЕНИЯ О ПОРЯДКЕ ПРЕДОСТАВЛЕНИЯ
СУБСИДИЙ ЛИЦАМ, ВЫРАЩИВАЮЩИМ КОКОН, НА
ВЫРАЩИВАЕМЫЙ ИМИ УРОЖАЙ КОКОНА (МОКРЫЙ КОКОН)

Текст акта приводится на [узбекском языке](#).

Премьер-министр Республики Узбекистан А. АРИПОВ
г. Ташкент,
24 декабря 2021 г.,
№ 773

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

**ПИЛЛА ЕТИШТИРУВЧИ ЖИСМОНИЙ ШАХСЛАРГА УЛАР
ТОМОНИДАН ЕТИШТИРИЛГАН ПИЛЛА (ХЎЛ ПИЛЛА) ҲОСИЛИ
УЧУН СУБСИДИЯ АЖРАТИШ ТАРТИБИ ТЎҒРИСИДАГИ НИЗОМНИ
ТАСДИҚЛАШ ҲАҚИДА**

Ўзбекистон Республикаси Президентининг «Республикада мавжуд яйловлардан унумли фойдаланиш, ипак ва жунни қайта ишлашни қўллаб-қувватлаш бўйича қўшимча чора-тадбирлар тўғрисида» 2021 йил 8 июлдаги ПҚ-5178-сон қарори ижросини таъминлаш, шунингдек, пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун субсидия ажратиш соҳасидаги муносабатларни тартибга солиш мақсадида Вазирлар Маҳкамаси қарор қилади:

1. Ўзбекистон Республикаси Президентининг «Республикада мавжуд яйловлардан унумли фойдаланиш, ипак ва жунни қайта ишлашни қўллаб-қувватлаш бўйича қўшимча чора-тадбирлар тўғрисида» 2021 йил 8 июлдаги ПҚ-5178-сон қарорига мувофиқ 2022 йил 1 январдан бошлаб:

2025 йил 1 январга қадар ҳар йили хонадонларда пилла етиштирувчи жисмоний шахсларга етиштириладиган пилла (хўл пилла) ҳосилининг бир килограмми учун 5 минг сўм миқдорида Ўзбекистон Республикаси республика бюджети ҳисобидан субсидия ажратилиши;

етиштириладиган пилла (хўл пилла) ҳосилининг бир килограмми учун Ўзбекистон Республикаси Давлат бюджети ҳисобидан ажратиладиган субсидия Ўзбекистон Республикаси Ипакчилик ва жун саноатини ривожлантириш қўмитаси томонидан берилиши белгиланганлиги маълумот учун қабул қилинсин.

2. Қуйидагиларни назарда тутувчи Пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун субсидия ажратиш тартиби тўғрисидаги низом [иловага](#) мувофиқ тасдиқлансин:

пилла (хўл пилла) ҳосили учун хонадонларда пилла етиштирувчи жисмоний шахсларга Ўзбекистон Республикаси республика бюджети ҳисобидан субсидия ажратиш;

Ўзбекистон Республикаси Ипакчилик ва жун саноатини ривожлантириш кўмитасининг таклифларига асосан келгуси йил учун бюджет параметрларини шакллантиришда тегишли маблағларни ажратиш;

пиллачилик кластерлари ва ипак қурти уруғчилик ташкилотлари туман (шаҳар) «Агротилла» МЧЖлар билан биргаликда субсидия олувчиларнинг туман (шаҳар) манзилли рўйхатини шакллантириш;

пиллачилик кластерлари ва ипак қурти уруғчилик ташкилотлари ўз махсус ҳисобварақларидаги субсидия учун тушган маблағларни субсидия олувчиларнинг фақат банк карталарига, агар банк картаси очилмаган бўлса, банкда уларнинг номларига очилган банк ҳисобварақларига ажратиши;

пиллачилик кластерлари ва ипак қурти уруғчилик ташкилотлари субсидия бериш мақсадида ўтказиб берилган маблағнинг фойдаланилмаган қисмини Ўзбекистон Республикаси Ипакчилик ва жун саноатини ривожлантириш кўмитасининг алоҳида шахсий ғазна ҳисобварағига қайтариши тартиби.

3. Ўзбекистон Республикаси Молия вазирлиги 2022 йилдан бошлаб бюджет параметрларини шакллантиришда мазкур қарорни амалга ошириш билан боғлиқ зарур маблағларни Ипакчилик ва жун саноатини ривожлантириш кўмитасига ажратиб борилишини таъминласин.

4. Мазкур қарорнинг бажарилишини назорат қилиш Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича ўринбосари Ш.М. Ғаниев зиммасига юклансин.

Вазирлар Маҳкамасининг 2021 йил 24 декабрдаги 773-сон қарорига
ИЛОВА

Пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун субсидия ажратиш тартиби тўғрисида НИЗОМ

1-боб. Умумий қоидалар

1. Ушбу Низом пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун Ўзбекистон Республикаси республика бюджети ҳисобидан субсидия ажратиш тартибини белгилайди.

2. Мазкур Низомда қуйидаги асосий тушунчалар қўлланилади:

ипак қурти уруғчилик ташкилотлари — уруғлик пиллаларни қабул қилиб, ундан ипак қурти уруғларини тайёрловчи ташкилотлар;

пилла (хўл пилла) — ипак қуртларини парваришlash натижасида олинадиган маҳсулот (дастлабки ишлов берилмаган, ғумбаги хўл ҳолдаги пилла хом ашёси);

пиллачилик кластерлари — пилла хом ашёсини қабул қилиб олувчи ва уни қайта ишловчи ташкилотлар;

субсидия олувчилар — ипак қуртини парваришlab етиштирилган пиллани (хўл пилла) пиллачилик кластерлари ва ипак қурти уруғчилик

ташкilotларига етказиб берувчи жисмоний шахслар (ўн саккиз ёшга тўлган Ўзбекистон Республикаси фуқаролари);

субсидия — ипак қуртларини парваришлаб етиштирилган пилланинг ҳар бир килограмми учун қурт боқувчиларга қайтармаслик шарти билан Ўзбекистон Республикаси республика бюджети ҳисобидан бериладиган пул маблағлари.

3. 2022 йил 1 январдан бошлаб 2025 йил 1 январга қадар ҳар йили хонадонларда пилла етиштирувчи жисмоний шахсларга ипак қуртларини парваришлаб етиштириладиган пилла (хўл пилла) ҳосилининг бир килограмми учун 5 минг сўм миқдорида Ўзбекистон Республикаси республика бюджети ҳисобидан субсидия ажратилади.

4. Субсидия олувчиларга улар томонидан етиштирилган пилла (хўл пилла) ҳосили учун субсидия ажратиш ушбу Низомга **1-иловада** келтирилган схемага мувофиқ амалга оширилади.

3-боб. Субсидия ажратиш шартлари ва тартиби

5. Ўзбекистон Республикаси Ипакчилик ва жун саноатини ривожлантириш қўмитаси (кейинги ўринларда — Қўмита) «Ўзбекипаксаноат» уюшмаси билан биргаликда пиллачилик кластерлари ва ипак қурти уруғчилик ташкilotлари тақлифларига асосан келгуси йилда пилла етиштириш ҳажми бўйича прогноз параметрларини ишлаб чиқади ҳамда ҳар календарь йилнинг 20 июлига қадар келгуси йилда етиштириладиган пилла (хўл пилла) ҳосили учун субсидия ажратиш мақсадида бюджет параметрларини шакллантиришда инобатга олиш учун Ўзбекистон Республикаси Молия вазирлигига тақдим қилади.

Етиштириладиган пилла (хўл пилла) хом ашёси етиштиришнинг асосий мақсадли кўрсаткичлари доирасида субсидия маблағлари ҳар бир вилоят бўйича ажратилади.

Ўзбекистон Республикаси Молия вазирлиги Ипакчилик ва жун саноатини ривожлантириш қўмитасининг тақлифларига асосан келгуси йил учун бюджет параметрларини шакллантиришда зарур маблағлар Қўмитага ажратилишини кўзда тутади ва ҳар календарь йилнинг 1 февралига қадар мазкур йил учун бюджет параметрларида кўзда тутилган маблағларни Қўмитага ажратиб боради.

6. Пиллачилик кластерлари ва ипак қурти уруғчилик ташкilotлари туман (шаҳар) «Агротилла» МЧЖлар билан биргаликда субсидия олувчиларнинг туман (шаҳар) манзилли рўйхатини ушбу Низомга **2-иловага** мувофиқ шакллантиради, қурт боқувчилар билан шартнома тузади, таҳлил қилади ва умумлаштиради.

Субсидия олувчиларнинг туман (шаҳар) манзилли рўйхати пиллачилик кластерлари, ипак қурти уруғчилик ташкilotлари ва туман (шаҳар) «Агротилла» МЧЖлар раҳбарлари томонидан имзоланган ҳолда ҳар календарь йилнинг 25 февралига қадар Қўмитанинг ҳудудий бошқармасига тақдим қилинади.

Субсидия олувчиларнинг туман (шаҳар) манзилли рўйхати тўғри тузилишига пиллачилик кластерлари, ипак қурти уруғчилик ташкilotлари ва туман (шаҳар) «Агротилла» МЧЖлар раҳбарлари масъул ҳисобланади.

7. Қўмитанинг ҳудудий бошқармаси бошлиғи «Ўзбекипаксаноат» уюшмаси тизимидаги вилоят ҳудудий «Агропилла» МЧЖ раҳбари билан биргаликда туманлар (шаҳарлар) манзилли рўйхатларини таҳлил қилади ҳамда умумлаштирган ҳолда субсидия олувчиларнинг ташкилотлар ва туманлар (шаҳарлар) бўйича ҳудудий манзилли рўйхатини ушбу Низомга [3-иловага](#) мувофиқ (кейинги ўринларда — ҳудудий манзилли рўйхат) шакллантиради.

Ҳудудий манзилли рўйхат Қўмитанинг ҳудудий бошқармаси бошлиғи томонидан тасдиқланади ва ҳар календарь йилнинг 1 мартига қадар Қўмитага тақдим қилинади.

Ҳудудий манзилли рўйхатнинг тўғрилиги ва асосланганлиги учун Қўмитанинг ҳудудий бошқармаси бошлиғи ва «Ўзбекипаксаноат» уюшмаси тизимидаги вилоят ҳудудий «Агропилла» МЧЖ раҳбари шахсан жавобгар ҳисобланади.

8. Қўмита ҳар календарь йилнинг 10 апрелига қадар шакллантирилган рўйхат бўйича пиллачилик кластерлари ва ипак қурти уруғчилик ташкилотларида очилган махсус ҳисобвараққа (23202) зарур маблағларни субсидия олувчиларга улардан сотиб олинган пилла учун ҳисоб-китобларни амалга ошириш вақтида тўлаб бериш мақсадида ўтказиб беради.

9. Пиллачилик кластерлари ва ипак қурти уруғчилик ташкилотлари ўзларининг махсус ҳисобварақларидаги субсидия учун тушган маблағларни субсидия олувчиларнинг фақат банк карталарига, агар банк картаси очилмаган бўлса, банкда уларнинг номларига очилган банк ҳисобварақларига ажратиб беради.

10. Қўмита рақамли иқтисодиётни ривожлантириш ва маълумотлар шаффофлигини таъминлаш мақсадида етиштирилган пилла (хўл пилла) ҳосили ва ажратилган субсидия миқдори бўйича тегишли маълумотларни расмий веб-сайтида очиқ маълумотлар бўлимида доимий равишда тақдим этиб боради.

11. Пиллачилик кластерлари ва ипак қурти уруғчилик ташкилотлари субсидия олувчилардан қабул қилинган пилла хом ашёсининг ҳажмлари ва уларга ажратилган субсидиялар тўғрисидаги маълумотларни ушбу Низомга [4-иловага](#) мувофиқ шаклда Қўмитага тақдим этади.

Бунда маълумотлар пилла етиштиришнинг:

биринчи ва иккинчи мавсумлари учун — ҳар календарь йилнинг 1 июлига қадар;

учинчи ва тўртинчи мавсумлари учун — ҳар календарь йилнинг 1 октябрга қадар тақдим этишлари зарур.

12. Қўмита маълумотларни таҳлил қилади ва умумлаштиради. Таҳлил натижасига кўра, субсидия бериш мақсадида ўтказиб берилган маблағнинг фойдаланилмаган қисмини қайтариш юзасидан пиллачилик кластерлари ва ипак қурти уруғчилик ташкилотларига ёзма талабнома юборади.

13. Пиллачилик кластерлари ва ипак қурти уруғчилик ташкилотлари талабнома тушган кундан бошлаб 10 иш куни ичида кўрсатилган маблағларни Қўмитанинг алоҳида шахсий ғазна ҳисобварағига қайтаради.

14. Қўмита ҳар календарь йилнинг 1 ноябрига қадар пилла етиштириш мавсумларига жалб қилинган субсидия олувчилар ҳамда уларга ажратилган субсидия тўғрисидаги маълумотларни Вазирлар Маҳкамасига киритиб боради.

4-боб. Яқунловчи қоидалар

15. Субсидия бериш бўйича юзага келадиган низолар томонлар ўртасида музокаралар ўтказиш орқали ҳал қилинади.

Низоларни музокаралар ўтказиш орқали ҳал қилиш имкони бўлмаса, низолар суд тартибида ҳал қилинади.

16. Ушбу Низом талабларининг бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун субсидия ажратиш тартиби тўғрисидаги **НИЗОМГА 1-ИЛОВА**

Пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун субсидия ажратиш

СХЕМАСИ

Босқичлар	Субъектлар	Чора-тадбирлар	Муддатлар
1-босқич	Ипакчилик ва жун саноатини ривожлантириш қўмитаси	«Ўзбекипаксаноат» уюшмаси билан биргаликда пиллачилик кластерлари ва ипак қурти уруғчилик ташкилотларининг таклифларига асосан келгуси йилда пилла етиштириш ҳажми бўйича прогноз параметрларини ишлаб чиқиб, келгуси йилда етиштириладиган пилла (хўл пилла) ҳосили учун субсидия ажратиш мақсадида бюджет параметрларини шакллантиришда инobatга олиш учун Ўзбекистон Республикаси Молия вазирлигига такдим қилади.	Ҳар календарь йилнинг 20 июлига қадар
2-босқич	Молия вазирлиги	1. Ипакчилик ва жун саноатини ривожлантириш қўмитасининг (кейинги ўринларда — Қўмита) таклифларига кўра келгуси йил учун бюджет параметрларини	Ҳар календарь йилнинг 1 февралига қадар

		<p>шакллантиришда тегишли маблағлар Қўмиитага ажратилишини кўзда тутлади.</p> <p>2. Ҳар календарь йили бюджет параметрларида кўзда тутилган маблағларни Қўмиитага ажратиб боради.</p>	
3-босқич	Пиллачилик кластерлари, ипак курти уруғчилик ташкилотлари	<p>1. Субсидия олувчиларнинг туман (шаҳар) манзилли рўйхатини шакллантиради ва кўрт боқувчилар билан шартнома тузади.</p> <p>2. Субсидия олувчиларнинг туман (шаҳар) манзилли рўйхатини имзоланган ҳолда Қўмитанинг ҳудудий бошқармасига тақдим қилади.</p>	Ҳар календарь йилнинг 25 февралига қадар
4-босқич	Қўмитанинг ҳудудий бошқармаси	<p>1. «Ўзбекипаксаноат» уюшмаси тизимидаги вилоят ҳудудий «Агротилла» МЧЖ раҳбари билан биргаликда туман (шаҳар) манзилли рўйхатларини таҳлил қилади ҳамда умумлаштирган ҳолда субсидия олувчиларнинг ташкилотлар ва туманлар (шаҳарлар) бўйича ҳудудий манзилли рўйхатини шакллантиради.</p> <p>2. Ҳудудий манзилли рўйхат Қўмитанинг ҳудудий бошқармаси бошлиғи томонидан тасдиқланиб, Қўмиитага тақдим қилинади.</p>	Ҳар календарь йилнинг 1 мартига қадар
5-босқич	Қўмиита	Шакллантирилган рўйхат бўйича пиллачилик кластерлари ва ипак курти уруғчилик ташкилотларида очилган махсус ҳисобвараққа (23202) маблағларни субсидия олувчиларга улардан сотиб олинган пилла учун ҳисоб-китобларни амалга ошириш	Ҳар календарь йилнинг 10 апрелига қадар

		вақтида тўлаб бериш мақсадида ўтказиб беради.	
6-босқич	Пиллачилик кластерлари, ипак қурти уруғчилик ташкилотлари	Ўз махсус ҳисобварақларидаги субсидия учун тушган маблағларни субсидия олувчиларнинг фақат банк карталарига, агар банк картаси очилмаган бўлса, банкда уларнинг номларига очилган банк ҳисобварақларига ажратиб беради.	Ўн иш кунида
7-босқич	Қўмита	Етиштирилган пилла (хўл пилла) ҳосили ва ажратилган субсидия миқдори бўйича маълумотларни расмий веб-сайтида, очиқ маълумотлар бўлимида доимий равишда тақдим этиб боради.	Доимий равишда
8-босқич	Пиллачилик кластерлари, ипак қурти уруғчилик ташкилотлари	Субсидия олувчилардан қабул қилинган пилла хомашёси ҳажмлари ва уларга ажратилган субсидиялар бўйича маълумотларни Қўмитага тақдим этади.	Биринчи ва иккинчи мавсумлар учун — 1 июлига қадар Учинчи ва тўртинчи мавсумлар учун — 1 октябрга қадар
9-босқич	Қўмита Пиллачилик кластерлари ва ипак қурти	Субсидия бериш мақсадида ўтказиб берилган маблағнинг фойдаланилмаган қисмини қайтариш юзасидан пиллачилик кластерлари ва ипак қурти уруғчилик ташкилотларига ёзма талабнома юборади. Кўрсатилган маблағларни Қўмитанинг алоҳида шахсий ғазна ҳисобварағига қайтаради.	Талабнома тушган кундан бошлаб 10

	уруғчилик ташкилотлари		иш куни ичида
10-босқич	Қўмита	Пилла етиштириш мавсумларига жалб қилинган субсидия олувчилар ҳамда уларга ажратилган субсидия маблағлари миқдори тўғрисидаги маълумотларни Вазирлар Маҳкамасига киритиб боради.	Ҳар календарь йилнинг 1 ноябрига қадар

Пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун субсидия ажратиш тартиби тўғрисидаги **низомга 2-ИЛОВА**

Субсидия олувчилар рўйхати ва ажратилиши кутилаётган субсидия миқдори бўйича жадвал

НАМУНАСИ

Т/р	Корхонанинг номи	Туманнинг номи	Қурт боқувчилар			Шарт
			Ф.И.О.	Паспорт маълумотлари (серияси рақами, ким томонидан берилган)	Жисмоний шахснинг шахсий идентификацион рақами (ЖШШИР)	тут ипак қурти парвариш қути
1.						
2.						
3.						
...						

Пиллачилик кластери раҳбари

имзо/муҳр

Ипак қурти уруғчилик ташкилоти раҳбари

имзо/муҳр

Туман (шаҳар) «Агротилла» МЧЖ раҳбари

имзо/муҳр

Пилла етиштирувчи жисмоний шахсларга улар томонидан етиштирилган пилла (хўл пилла) ҳосили учун субсидия ажратиш тартиби тўғрисидаги **низомга 3-ИЛОВА**

«ТАСДИҚЛАЙМАН»

Ипакчилик ва жун
саноатини
ривожлантириш
қўмитасининг
худудий бошқармаси
бошлиғи

Ф.И.О.

202__ йил «__»

_____ вилоятида 202_ йилда етиштириладиган пилла (хўл пилла) учун
талаб қилинадиган субсидия миқдори тўғрисида жадвал
НАМУНАСИ

Т/р	Корхонанинг номи	Туманнинг номи	Шартнома бўйича		Талаб қилинадиган субсидия миқдори, минг сўм
			тут ипак қурти парваришlash, қути	хўл пилла етиштириш, кг	
1.					
2.					
3.					
...					

Вилоят худудий
«Агротилла» МЧЖ
раҳбари

имзо/муҳр

Ф.И.О.

Пилла етиштирувчи жисмоний шахсларга улар томонидан етиштирилган пилла
(хўл пилла) ҳосили учун субсидия ажратиш тартиби тўғрисидаги **низомга**
4-ИЛОВА

«ТАСДИҚЛАЙМАН»

Ипакчилик ва жун
саноатини
ривожлантириш
қўмитасининг
худудий бошқармаси
бошлиғи

Ф.И.О.
202__ йил «__»

**Пиллачилик кластерлари ва тут ипак қурти уруғчилик корхоналари томонидан ҳў
қилиб олинган субсидия олувчилар рўйхати ва уларга амалда ажратилган суб
тўғрисидаги маълумотлар
НАМУНАСИ**

Т/р	Корхонанинг номи	Туманнинг номи	Тут ипак қурти боқувчиларнинг Ф.И.О.	Жисмоний шахснинг шахсий идентификацион рақами (ЖШШИР)	Ҳақиқатда етиштирилган ҳўл пилла, п
1.					
2.					
3.					
...					

Вилоят ҳудудий «Агротилла»
МЧЖ раҳбари
Пиллачилик кластери раҳбари
Тут ипак қурти уруғчилик
ташкilotи раҳбари

имзо/муҳр
имзо/муҳр
имзо/муҳр

(Қонунчилик маълумотлари миллий базаси, 24.12.2021 й., 09/21/773/1194-сон)